



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

15 մարտի 2017 թվականի №70Ա  
ք. Երևան

**«ՀՐԱԶԴԱՆԻ ԷՆԵՐԳԵՏԻԿ ԿԱԶՄԱԿԵՐՊՈՒԹՅՈՒՆ (ՀՐԱԶԶԷԿ)» ԲԱՅ ԲԱԺՆԵՏԻՐԱԿԱՆ  
ԸՆԿԵՐՈՒԹՅԱՆ ԼԻՑԵՆԶԱՎՈՐՎԱԾ ԳՈՐԾՈՒՆԵՈՒԹՅՈՒՆ ԻՐԱԿԱՆԱՑՆԵԼՈՒ ՀԱՄԱՐ  
ԱՆՀՐԱԺԵՇՏ ԳՈՒՅՔԻ ՄԻ ՄԱՍԸ ՎԱՃԱՌԵԼՈՒՆ ՀԱՄԱԶԱՅՆՈՒԹՅՈՒՆ ՏԱԼՈՒ  
ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 27-րդ հոդվածի 3-րդ կետը և հաշվի առնելով «Հրազդանի էներգետիկ կազմակերպություն (ՀրազԶԷԿ)» բաց բաժնետիրական ընկերության (այսուհետ՝ Ընկերություն) 2017 թվականի փետրվարի 27-ի №45 գրությունը՝ Հայաստանի Հանրապետության հանրային ծառայությունները կարգավորող հանձնաժողովը (այսուհետ՝ Հանձնաժողով) որոշում է.

1. Համաձայնություն տալ Ընկերությանը «Պատրաս» փակ բաժնետիրական ընկերությանը վաճառելու Հանձնաժողովի 2004 թվականի նոյեմբերի 8-ի №143Ա որոշմամբ Ընկերությանը տրամադրված էլեկտրական էներգիայի (հզորության) արտադրության №0145 և ջերմային էներգիայի արտադրության №0146 լիցենզիաներով ամրագրված՝ գործունեության իրականացման համար անհրաժեշտ հետևյալ հիմնական գույքը.

- 1) շոգետուրբին №1 (մակնիշ՝ ITT-50-130/7, նոմինալ հզորություն՝ 50 ՄՎտ),
- 2) գեներատոր №1 (մակնիշ՝ TBՓ-60-2, նոմինալ հզորություն՝ 50 ՄՎտ),
- 3) շոգեկաթսա №1 (մակնիշ՝ БК3-320, նոմինալ հզորություն՝ 320տ/ժ):

2. Ընկերությանն ընդունել ի գիտություն, որ՝

- 1) սույն որոշման 1-ին կետով նշված գործարքն իրականացնելուց հետո անհրաժեշտ է հնարավորինս սեղմ ժամկետում դիմել Հանձնաժողով՝ Ընկերության էլեկտրական էներգիայի (հզորության) արտադրության №0145 և

ջերմային էներգիայի արտադրության №0146 լիցենզիաների պայմաններում համապատասխան փոփոխություններ կատարելու համար,

2) իրավասու է սույն որոշումը բողոքարկել Հանձնաժողով կամ Հայաստանի Հանրապետության վարչական դատարան՝ այն ուժի մեջ մտնելու պահից երկամսյա ժամկետում:

3. Սույն որոշումն ուժի մեջ է մտնում ստորագրման պահից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝



Ռ.ՆԱԶԱՐՅԱՆ

ք. Երևան  
15 մարտի 2017թ.  
ժամը 16<sup>00</sup>